

23 JUN 2004

MAHATHIR-BEIRUT

DR M AKAN SAMPAI UCAPTAMA PADA SIDANG PELABURAN ARAB DI BEIRUT

DOHA (Qatar), 23 Jun (Bernama) -- Bekas Perdana Menteri Malaysia, Tun

Dr Mahathir Mohamed akan menjadi penceramah utama pada Persidangan Pelaburan dan Pasaran Modal Arab ke-10 yang akan berlangsung di Beirut mulai 24 hingga 26 Jun ini.

Menurut program persidangan, Tun Dr Mahathir akan berucap mengenai

"Bagaimana Negara Membangun Menghadapi Pembangunan Ekonomi dan Meraih Persaingan dalam Konteks Ekonomi dan Politik Dunia."

Penceramah lain termasuk putera mahkota Dubai dan menteri pertahanan

UAE, Jeneral Sheikh Mohammed Rashid Al Maktoum, Menteri Kewangan Arab

Saudi, Dr Ibrahim Al Assaf dan Menteri Kewangan Algeria, Abdellatif Achenhou.

Persidangan itu, yang dijangka menemukan pemimpin negara dan korporat

dari 35 negara, akan menggabungkan Forum Pelaburan Arab dan Forum Pemimpin

Muda Arab.

Forum Pelaburan Arab akan menyaksikan Menteri Kewangan Iraq yang baru

dilantik Dr Adel Abdul Mahdi antara menteri-menteri kewangan dan pegawai

tinggi kerajaan yang akan membentangkan "tinjauan pelaburan" negara mereka

masing-masing. -- BERNAMA

LL KTC NHD